

新刊國朝二百家名賢文粹

新刊國朝二百家名賢文粹卷第一百二十四

記

樓觀記五

介立亭記

袁太博

臨君士新歎之休寧人學知其方行有所立從余遊者十五在
矣今年四月余以罪罷大學將出京師乃造門叙別曰自公爲
博士士新諱本經爲學生以法不可間見見亦不敢相語今願
有請矣吾父於性爲甚介於衆爲難人居窮約臨事務不與鄉
人相俯仰惟屏迹自信而已近於縣之西偏一里許靈島之前
卜一小圃疏治汙濫剪剔穢蕪畚腴土以栽花藝築小畦以時
果蔬鑿池灌泉泉清而星月見傍山引竹竹茂而雲煙留其前
則有澗其東則有溪溪澗左右重巒複嶺相望而秀絕澄虛廓
清之氣常在眉睫間品花之開落含鳥之呼吟推擔漁艇往來
間暇可寓目而盡得之遂於其園構一小亭基址不廣材植不

精于瑱其下茅覆其上平居無事自坐其中足以覽勝而自適也於是吾父所尚名其亭曰介立願求文以記之余應之曰介然特立乃君子所以矯世礪俗之行當於義為成德若伯夷顏淵黔婁之徒是也不當於義為行怪若申屠陳仲子之徒是也吾之父果尚為而訂此者耶韓君曰人之趣操固不同有隱於市井者有放於耕釣者有遁迹山林而人不可見者有徜徉市井而不可知者其能志友於善而不為弱喪則古之人皆以笑之吾父之自為其與文藝言以欺愚飾偽行以惑眾務與人同而欲以賣名急與人合而要以趨利紛紛僕僕晝馳夜驅而不知已者異矣豈無取於斯歟余休然告之曰君能言其父之意如此是宜所以名其亭者因叙其意而書之毗陵袁默記

適南亭記

陸左丞

會稽為越之絕而山川之秀甲於東南自晉以來高曠宏放之士多在於此至唐餘杭始盛而與越爭勝見元白之稱歎杭之

賈公媚善口形勝而丹樓翠閣輝映湖山北盡千小屏細巧瑟
好故四方之賓客過而覽者往往後越夫越之美豈至此而窮
哉意者江山之勝雖在而昔賢往矣距今千歲幽深寂寞殆有
鬱而不發者也熙寧十年給事中程公出守是邦公吏師也所
至輒治故其下車未幾典出處戶之間而政成訟清州以无事
乃與賓客公鑑湖上蔽山以尋將軍祔監之迹登望稍倦未愜
公意於是育以梅山勝告公者蓋其地昔子真之所居也今其
少西有里梅市其事應吏公聞往焉初屆佛剎見湖山一面之
秀以爲未造佳境也因而至其上望之是日也天和景晴竹華
尚疎木華微合羣嶽如削間見層崖公曰此山之佳處已而北
顧見其煙海杳冥風帆隱映有軀偉絕特之觀而高情爽氣適
相值也夕陽在下不得已而後去其山之僧用和者契公之意
因高構宇名之曰適南蓋取莊周大鵬圖南之義暇日以衆飲
而賞焉水轉屈轉清山轉望轉碧而俯仰之間海氣浮樓臺野

氣道唐關雲霞無定其彩五色少頃百步殆詞人畫史不能寫也於是闔州以為觀美而春秋無貴賤皆往又其風俗絮雅嬉游皆乘畫舫平湖清淺瞻天浮動及登是亭西眺北路風輕日永若在蓬萊之上可謂奇矣然則所謂餘杭者未必如也公蘇人也自其少時已有詩名嗟嗟成珠人以傳玩則模寫物象道所難言其在公賦之乎雖然公之美志豈止於發揚幽懿宣特贊一山而已凡此鄉之人藏道畜德助於耕隴釣瀨屠市上肆漁蓋之間者乎天子仁聖拔用忠賢夢想多士斯可以出矣幾托公之翼搏風雲而上也

樂全亭記

龜山先生

君子以德為輿以忠信為軌軌以志為御以古聖賢為前驅以同方合志者為駟乘乃相與馳騁乎仁義之途翱翔乎詩書之府涉獵乎百家之園囿而後稅駕乎至道之墟而止焉此天下之至樂而眾人不與也乘飛輦之車御遺風之駟鄭公憂姬扶

輿挾輶發轍平康備稅輪子板立御觴列鼎絲管間作凡可以
悅耳目而娛心意者無不具焉此衆人之至樂而君子不爲也
是二樂也不相爲謀各適其適焉而醇醪異味矣余嘗讀退之
栢傳見其所謂稱竊謂盛衰倚伏之理宜若是比壯食學游四方
究觀近世公侯戚里割脂田沐邑爲吸池臺榭佳花異卉奇禽
馴獸充牣其中盡瓊偉絕特之觀發興相尋不一二世卒壯朽
者所稱可勝計耶於是乃知夫酣豢富貴之佚欲而不知君子
之樂者其患必至此也古之人以燕安爲耽毒而謂臺池鳥獸
惟賢者然後能樂豈虛語哉里人余君作亭於其屋之東偏種
花植竹以資歲時燕游之好又闢其後爲堂聚先王所藏書
以置其子孫使其子孫登是堂也顧六藝之英茹道德之寶知
慕夫君子之樂而出游是亭也能不爲玩物喪志則內外之樂
全矣故以樂余方且呼勉之哉是將長有此樂也余君子
之妻堂也屢踵予門來文以爲記予嘉其志知不獨驚乎衆人

之樂也於是乎書

是是亭記

後山居士

劉子佐巨野架室以居名曰是是之亭而語客曰吾剛不就俗
介不容衆而人之不吾容也故吾勉焉是其所是而不非其非
又懼有時而忘之也以名吾居耳目屬焉亦盤盂几杖服佩之
類也吾其免乎客笑之曰是是近諂非非近訕不幸而過虛訕
毋謂以病劉子晁子聞而作曰事無常是亦無常非使天下舉
以爲非而子獨是之何所取正使天下舉以爲是而子獨非之
安得力而勝諸嘗與子問津於無可無不可之塗而節節乎兩
忘之圃夫安知吾是之所在又爲之賦以砭劉子陳子見而歎
曰夫三子之言其皆有所激乎今夫是非參於前子將稱其所
是而默其所非自以爲得矣而曾不思默而不稱則固已非之
矣使世皆愚則可以默而欺之而世不皆愚也其有知之者矣
吾懼子之不免也夫是其所非則爲諂非其所是則爲訕是非

不失其正吾何有焉客之笑非子之病也天道二理與事是也
是非兩忘者理也有是與非者事也事待理而後立理待事而
後行今使劉子忘而不有於事猶有闕乎晁子之使非子之藥
也劉子名其南原人其大父凝之有所不顧李出挽之不能回
也仕不合而去老於廬山之下廬陵文忠公爲賦廬山高也其
父道原面數人短長不踰權貴群居聚語是是非非公無所隱
聞者至心掉手失掩耳疾走而略不以爲意卒窮以死而天下
歸重焉公劉子博覽厚辯刻身苦思旣嗣其世而向善僻惡亦
不減其二父而又能沈潛推折以成其材故士君子皆樂告以
善也孟子曰是非之心智之端也又曰無是非之心非人也資
業之不知白黑之不分固士之所棄而盡言以招過又昔人之
所戒也然則何施而可乎夫明天下之是非者智也正天下之
是非者任也進則見于事退則見于書子姑明之二者必有一
矣

卧雲亭記

陸龜先生

南山之陰多喻姓有公諱者處而不出玄居蹈高樂卧雲亭老
于其上四時有花夕有月旦暮有酒酒領上有白雲暮花起舞
弄影月明中醉則登亭倒著接籬仆床以寢日出而方醺盱而
醒醒而飲飲而復醉日以爲常雲鬢鬢入戶牖掛金壁覆琴几
杖屨散漫圖書畢硯間處士每以此自怡不費一箇錢而富於
雲若此故其接肘腋作筦簾者皆雲也予始疑之且處士之於
雲摩之不得蓄之不可賔而友之亦不可矣以命亭哉油然而在
天翼翼然在岫去而不返飄風暴雨消磨破裂去而不知歸者
蓋以無數奚得而卧之耶處士質之曰市有伎僦且有黨盟朝
乘華軒暮役泥塗吾不爲之比肩龍斷掃塵片剗掉弄且僦以
窮逐錐刀之不爲之分部誹謗佩劍相笑陰扇鬼怖以擠執仇
怨吾無得喪憂患而長有此雲可也况以命亭哉夫雲無心處
士亦無心譽夫下之士皆有心者也然日見雲知其爲無用而

不知其為無用之用有如此者耶
之曰

後子將焉疑歌以遺

幽人居身兮山之陰願言孔若兮山雲深閑廷除兮馴坐禽垂
相泊兮幽沉沉既覺兮復夢酌樽酒兮鳴琴彼羨幽人兮鳴雲
無處尋

南亭記

門勝先生

廣安陳越居中築亭於所栖之後園取漢元德先生之語以南
南揭其名且遣人走四千里至京以書抵仙井喻汝礪曰執事
其為我記之迺撫古君子窮達之理而告之曰夫善養人心者
莫深於六經本之易以致其靜寫之樂以和其神達之詩以導
其志謹之礼以正其躬質之書以博其聽約之春秋以審其斷
昔之魁壘閭閻之士豈負焉以養其心而寓於磅礴演迤不可
端倪之域顧世所謂貧富貴賤悲愉得喪禍福死生之故一皆

有以乎之蓋六經者所以養人而歸諸道者也苟吾胸中有得
於六藝之奧凡天地四時人鬼事物屈伸倚伏消息滿虛之數
忠佞正邪去就顯晦存亡往來之變皆有以了然於吾心而窮
於怨憤捷取巧效圖進側入之念自不得以傷於其思而湯於
其耳目則雖而用之朝廷可也苟不遇焉山林可也古之有道
君子所以窮處於下而不可屈達而坐廊廟相天下不為後
世之士不能摘六經之蘊其胸中既無所有則喜怒哀樂成毀
利害抄忽之細皆得以拂其思而憤其意得之自然以驕失者
自然以悲彼其於道何如哉今吾居中以強壯之年邁往之識
而遇可以有為之世固安於深林絕嶠之中意若有其焉有是
其必有深得於經者也故以吾之所嘗學者告之且遺以詩使
擊缶而歌之其詞曰

六韜有妙意意得語以陳閉目即見道何有為屈伸忘心隨所
適任其適也直山林草壤與安眠耕獵中有酒從陶公不辨生

與賓醉眼自不醒任爾空中塵

洪雅縣節娥亭記

尚方先生

節娥亭在洪雅西江之西昔人義娥之死於江流建亭江皋以
其事以告來者也娥母本姓郝孤寡不能存且悔其失身遂鬻
娥於邑人趙氏為義女庶幾託良以終生及長而麗且閑機組
至是郝年色已衰強歸之欲以止其業娥痛取不出終以箠撻
益自堅會邑西十里春遊巷無居人邑有富少年先厚郝賂期
飲于郊因屬娥以行娥至方悟其計且驚走郝扼挽不得已而
坐少年微醉以蠶之娥俯首凝目以澹歎時顧樽俎輒唾強以
飲則噉少年亦不敢侵竟不樂而散還濟西江橋遂躍赴湍流
而卒觀者相蹂躪感咽皆至流涕寔嘉祐五年三月也後人命
之為節娥因名其亭行人騷客登覽慨然必發於聲詩未嘗不
歸惡其母也夫為娥之母安得無罪然娥之不忍賤用其遺骸
是愛其親之至也故寧死不以非義養其親若夫以死報母之

惡名蓋其心哉昔晉軻衛宣之子皆以孝死其親後世哀而思
之不忍及其親之惡始郝之鬻賊於良家豈志此衣食報其後
而奪其初庸詎知賊死非救其母志耶元祐七年吾友孫詔君
外空汝川余常候之西江覽亭中之作既憫賊之死羈情泣然
復有所感以爲名教之不競職衣冠者或敗之今以屈埃之子
之賤而死於世之所難能義足以蓋其親矣宜伸其志以警世
世教而必辱其母以與其名賊死能無恨乎余以是語君外君
外曰嗟夫愛人而失其實罪浮其親誰肯爲義余未能善斯色
也正好惡以示色人亦其職矣然則拔是非於幽潛非孝考之
事郭子亦有不可已者因述其本末庶求賊之死志以慰其魂
若夫登亭而追嚴興覽景觀化以弔榮謝蓋有不暇誌者紹聖
二年三月十六日記

望我亭記

黃致

黃致

云越之燕者見似人而喜士楚入秦者聞南風而悲累形於万

物之適而留情於六塵之境其轉徙每如此此政桑公之

然悅霜露之屢亦感白雲而興悲指蕙帳以懷則人之君子

烏能辨此哉武昌有隱德者謂我甥也隸於卷卷時于戎

之巨賓而即居以為生迺並流休亭榜之曰望我三峯而朝

夕焉若環漫郎順風聆之試語之曰東臯遺秉閑壤餘疏沃野

千里三歲之儲茲樂土也所不可忘者其在是乎鄉井重義我衣

冠喜儒童卷之樂達戶桑樞茲羨俗也所不可忘者抑在是乎

發孤炤於寸眸馳遐情於曠野送飛鴻而迎寸碧則無窮之景

有不可以勝臚也瞰歸鴛以含情新歸懷以帳望指故鄉而追

妙境則無窮之意有不可以勝寫也先生之所以登亭而相望

者不過是耶曰其然豈其然乎吾家于三我之側為程氏雲仍

非一傳也儒冠誤身仕籍不繼松楸已拱舊恩寂寞自首之流

寓瞻青山而躊躇此所以徙倚彷徨而不忍釋也漫郎曰客移

於夢覺者自是濠廬屢遷於今昔者同是夢覺襄諸人間然居

可也游乎物相鵲居可也擁腫之與鄉註跡靈臺之山可也鄙
樸之與處稅駕襄城之野可也几上子綦方且爲搗木域中壺
子方且爲濕灰則故吾之在彼也何足念而今吾之在此也何
足悲亭與山適相當也人與景偶相值也縱目而遠眺取跡而
內觀則天機不動而徜徉於几席之上不幾於坐忘乎先生曰
子之言似有道者也姑爲我誌之余方且爲天損方且爲人非
登亭而望我及且百驢之遠也亭之趣試語之有暇於是托副
墨之子以寄聲於先生而書之以爲記云

歲寒亭記

王臺先生

吾州石佛山之西南妙明院後有古松一株不知何年種植院
僧出則年七十一云自幼初入院見其師曰老師云吾爲兒時
已見其合抱矣凡於之小者可爲新植其大者可爲梁柱此松
初栽把時既不爲樵者所新及其大又不爲匠石顧以至于今
又生於高山之上挺然直幹見於數十里之外其鬱鬱之氣足

以會之風雲以霑澤一方豈與夫不材之木得終其天年者類
哉宣和元年冬予卜葬先夫人於玉臺山院去山才一里得朝
夕偃仰其下懽然敬之於是出則休亭於其側予名之曰歲寒
孔子曰歲寒然後知松栢之後凋也擬補豫章其大曰圍其風
一至亂葉紛紛然皆有樵樵衰憊之色固不可與松栢並而一時
同植者皆遠罹斤斧取用於此三度燭變壞代歲無餘矣而此
獨存閱萬木之彫榮貫四時而茂美歲寒之姿老而彌壯如端
溪更有亮彼武王興周之略如商山兼有軒翼父子空溪之策
吁可敬也夫吁可敬也夫宣和四年六月三日記

滁州重建醉翁亭記

蘭陵孫公

文中歐陽公慶曆中嘗謫守滁陽直治城六七里得琅琊幽谷
之勝有泉泓然溢于兩峯之間以折蛇行流出平地蓄為大井
築一亭與滁人遊愒其二印鵬青山俯聽流水晨煙夕霏開闔
變化爭効於左右名之曰醉翁蓋滁為小州在江淮窮絕處晉

琅琊王寄國於此遂名其山曰舒水緩年豐亭少公曰從齊史
賓客徜徉泉上把酒臨眺樂而忘歸於是空清流閑手古戰場
而川運公變不可復識矣宜脩公懷高樓酌庶子泉觀李陽水
小篆而筆畫雄壯號天下之奇蹟記菱澗石從置幽谷中以遺
好奇者動心駭目之觀穹林巨植千霄蔽日曲蘭幽樹隱見木
杪泉鳴間中乍細乍大若奏琴瑟嘉話裏弄紅紫低昂百鳥相
命鳴聲上下千岩萬壑迴巧獻伎意其天造地設以慰夫賢而
辱於此者當是時公名震天下流風餘韻謠然被於淮端楚甸
間一時巨儒宗公高人勝士聲氣相求大篇傑句發於遐想如
高鄭公韓康公王荊公皆賦醉翁吟以不克造觀為恨曾南豐
記醒心亭以姓名列於公文之次以為榮東陽沈遵不遠千里
受琴聽泉焉其聲為醉翁操而蘇東坡為之辭又伐石為六碑
刻公文為大字列之亭上公云郡人美邦人盡公像偕王元之
等二賢置屋以祠李邦豈來臨州周視府舍凡公朝衙公坐燕

休之所与夫釣遊之處焉坡邪記遊金龜亭廢事之壁實于
治祠屋具牲醴為文以祭率州之賓屬拜焉所以示邦人以尚
德也或自慶曆抵今百有余年富貴磨滅不可勝紀獨翁無思
如新而我邪山水自公表發之亦遂為冠世絕境可謂盛矣建
炎初大盜起黃巾赤責群嘯于山區海眾通都大邑之中而亭
廢於兵火更二十年草木生之牛羊踐之為州者積十余人支
款狂壤趣了目前日不暇給今太守魏公博達古記尚友千載
所与交皆賢公卿而當世名士多從之游身佐廷尉議獄問三
尺何如元所徇竭來滁陽政平訟息閑園坐嘯無余事矣公曰
此邦雖小文忠公嘗序居廬而醉翁亭者蓋嘗與民共樂如此
比經寇暴頽其巋然公老過之有出涕者會寺僧請建亭踵習
舊故事公喜從之又俾引其徒以自別裁剔蕪穢疏治泉石具
木瓦瓦工徒作而新之大屋數楹又復醉翁之舊亦以慰滁人
之思而移書屬余為記今日文忠公道德三朝之望文章百世

之師志言嘉謨駿功茂烈載之齊市鄉之簡冊燁々煌々與日月爭光矣固不繫夫一亭之有無也然好古博雅之士師慕賢達直德樂道聽想風聲恨不同時殆欲騎雲乘跨汗漫追絕塵於八極之外固有抱馬弓之弓臧曲阜之履以為寶者固有聆優孟之諧笑觀虎賁之容貌以象賢者固有愛南園棠而賦詩過西門而動哭者誦其詩讀其書畫思之夜夢之如出乎其世如見之其人則是亭之作也所以表斯文於不泯昭先民之高躅考引盛德垂之元窮而三山之阻一泉之涯又以著見夫仁智之所樂有在於是也公諱安行字彥成官為左朝散郎云紹興歲次庚午十一月日晉陵孫某記

王氏樂歲亭記

西山先生

長安王佐道鄉作亭于下杜別墅然客置酒其下落之予幸觴屬之曰使戚且不登農方告病乎數人有欲幸集於此可得乎昔人以歸木名晉以來年夷語示其難得不敢去者如此今歲

方有秋而亭適成使予數人者嘯歌相樂豈偶然哉視詩書所
紅大小同不同亦不可忘也請以樂歲名予之亭并記之竹林
檀栾古郡陸海蓋雍之美田尤在南山之下漢寶鼎田於此至
丞相太尉爭城南之田其禍有不勝言者則此地之貴為人所
爭奪舊矣予既有數千百畝之多又鄙陋世之貴郎貶夫深居
畏客不敢輒出一錢若已入縣官之簿者獨招延我輩以文字
尊酒相往來亦賢矣予故僊棲瀨魚歸旁山林結茅而老焉行
將從子東阡西陌一牛吼近歲時力作之暇驩然取酒以相勞
苦幅巾杖屨登予之亭賦豐年之詩其為樂可想也年月日河
南邵博記

新刊 國朝二百家名賢文粹卷之一百三十四

新刊國朝一百家名賢文粹卷第一百二十五

記

堂年記一

粹隱堂記

清溪翁

天之生蓄萬物紛紛渙散雖會四時之變而後成亦已衆矣
必役之以人然後無所棄百工衆技機智纖悉海濶之廣山
壑之遠不能以自藏倣乎其自然動乎其無知祕怪異類作
然一出則必可羈括而就有為是生之而不使廢於世也至
於人也蓋物之大也者而又自相置以才者多不得其地皇
皇於用者何哉此造物之意不可以理通也故耿介剛峭之
士一不肖世合則飄然遠舉遁名匿跡唯恐有聞於人也惟
儼者浮圖往來京師三十年獨喜五居儒氏之書富年少時誦
數百千言經書世好聲譽衣冠儒門搖撼富世取高位以開

所種知其聲牙不當遂開戶不踐外庭謝絕過從有不樂見
貴勢不肯一接與語務為異眾之行求棄于時自置其室
為粹隱堂雖在穰穰大衆之中一室截然斗清無纖喧微塵
之可入所與往來相知言笑者不過三二人觀其議論使
盡用其才故將有補於世今乃退縮沒沒而訖其身烏
乎其可傷也余謂造物之意不可理通者以此道之也

有美堂記

六一居士

嘉祐二年龍圖閣直學士尚書吏部郎中梅公出守于杭於
其行也天子寵之以詩於是始作有美之堂蓋取賜詩之首章
而名之以為杭人之榮然公之甚愛斯堂也雖去而不忘今年
自金陵遣人走京師命予誌之其請至六七而不倦予乃為之
言曰夫舉天下之至美與其樂有不得而兼焉者多矣故窮山
水登臨之美者必之乎寬閑之野寂寞之鄉而後得焉覽人物

之盛也。李都邑雄富者必據乎四達之衝。舟車之會而後足焉。蓋猶放心於物外而此娛意於繁華二者各有適焉。然其爲樂不得而兼也。今天所謂羅浮天台衡嶽廬山洞庭之廣三峽之險號爲東南奇偉秀絕者乃皆在平十州小邑僻陋之邦。此幽潛之士窮愁放逐之臣之所樂也。若乃四方之所聚百貨之所交物盛人衆爲一都會而又能兼有山水之美以資富貴之娛者惟金陵錢唐然。二邦皆竊僭於亂世及聖宋受命海內爲一金陵以後服見誅。今其江山雖在而頽垣廢址荒煙野草過而覽者莫不爲之躊躇而悽愴。獨錢唐自五代時知尊中國効巨順及其亡也頓首請命不煩于戈。今其民幸富完安樂又其俗習工巧器用華麗蓋十餘萬家環以湖山左右映帶而閩南海賈風帆浪舶出入於江濤浩渺煙雲杳靄之間可謂盛矣。而臨是邦者必皆朝廷公卿大臣若天子之侍從又有四方遊士爲之賓客故喜古形勝治亭榭相與極遊覽之娛然其於所取有

得於此者必有遺於彼獨所謂有美堂者山水登臨之美人物
邑屋之繁一寓目而盡得之蓋錢唐兼有天下之美而斯堂者
又得錢唐之美宜乎公之甚愛而難忘也梅公清慎好學君子
也視其所好可以知其人焉四年八月丁亥廬陵歐陽脩記

相州晝錦堂記

同前

仕官而至將相富貴而歸故鄉此人情之所榮而今昔之所同
也蓋士方窮時因阨閭庸人孺子皆得易而侮之若季子未
禮於其嫂買臣見棄於其妻一旦高車駟馬旌旆導前而騎卒
擁後夾道之人相與駢肩累迹瞻望咨嗟而所謂庸夫愚婦者
奔走駭汗羞媿俯伏以自悔罪於車塵馬足之間此一介之士
得志當時而意氣之盛昔人以此之衣錦之榮者也惟大丞相衛
國公則不然公相人也世有令德爲時名卿自公少時已擢高
科登顯仕海內之士聞下風而望餘光者蓋亦有年矣所謂將
相而富貴皆公所宜素有非如窮阨之人僥倖得志於一時出

於庸夫愚婦之不意以驚駭而夸耀也然則高牙大纛不足
爲公榮桓圭衮冕不足爲公貴惟德被生民而功施社稷載之
金石播之聲詩以耀後世而垂無窮此公之志而士亦以此望
於公也豈止夸一時而榮一鄉哉公在至和中嘗以武康之節
來治於相乃作畫錦之堂于後圃既刻詩於石以遺相人其
言以快恩讎矜名譽爲可薄蓋不以昔人所夸者爲榮而以爲
戒於其見公之視富貴爲如何而其志豈易量哉故能出入將相
勤勞王家而夷險一節至於臨大事決大議垂紳正笏不動聲
氣而措天下於泰山之安可謂社稷之臣矣其豐功盛烈所以
銘彝鼎而後弦歌者乃邦家之光非閭里之榮也余雖不獲登
公之堂幸嘗竊誦公之詩樂公之志有成而喜爲天下道也於
是乎書尚書吏部侍郎叅知政事歐陽脩記

成都府運判廳譙思堂記

石室先生

天下之事物常與宜稱則文理順而制度得或巨細輕重一有

和合率病之以爲不當然遂起衆論矣區宇之大吾宋盡有之
四指之極幅員方里旁裁直制衆衆爲諸道其置使以轉運爲
名者常慎選注性服其職底財賦索僚吏宣布威惠頗假之
其所與蓋已重矣惟劔南西川原墜演沃吐庶豐夥金紫
天麗地發裝餽日報舟浮輦走以給中府以贍諸塞號居大農
所調之半縣官倚之固以爲實數珍藏去其所謂佐者既非
齷齪參歲月者之所能得其所止亦富崇大閑顯與主者儀形
无缺缺始去其可矣今其所謂佐者之居舊嘗一切置之尋廢
既復亦踐襲往制回曲庫狹不足以視清曠講燕休餘基翦然
蔽沒蓬蒿衢所泣者未遑營之職方員外郎霍侯以經行明修
所赴宜賴將漕之貳實以才擢既至攷究內外靜煩省劇隱謬
革悛潜利宣章列城信畏俯伏觀望不煩告諭自底恬肅惟是
居處厭不如事思有以增易之使夫文理制度一與事物相表
襮矣龍圖閣直學士趙公昔繼外計其已詳此今復杖節臨鎮

於是聞侯之議志與侯協乃規庀其地墻爲一圍集材於羨命
工於隙合諸意慮授以程品築隆址植巨夏曾不累月匠以成
告危譙支空廣廂延廢衡攔擁衛牕戶通潔若翔而尚矯將蟠
而復振奇竇秀嶺發遠思于其上鮮藹珍木悅真賞于其下寬
表可以觴賓侶靖密可以籌金穀壯哉雄乎誠大邦之崇構而
外臺之偉觀也旣落之侯謂廣漢郡尉文同曰是乃昔之所可
指處今已化爲佳境爾无石以載疑事之闕將以屬子子其謂
何同曰諾退自念昔韓退之爲王南昌紀滕王閣柳子厚興陽長
沙叙戴氏常皆部吏也同今奉侯命而記此職正宜矣其敢以
不敏辭乃次其略刻置宇下以夸示永久然慙不文

迂堂記

左丞蒲公

迂非適時之稱背衆忤俗闊不與世合天下所共笑者吾獨取
之以名斯堂豈誠樂夫迂耶道在身棄雖有方焉不舍死以邀
一時之安狂已諷人雖有方幸不苟生以求一日之福夷齊以

陳轅而死迂而守夫義者也忍耻之人所嘗共笑矣然而夷齊
不以天下之賢望而變其迂孟軻以仁義窮而死迂而守夫道
者也從諛之人所嘗共笑矣然而軻不以六國之咄咄而變其
迂屈原以譏諷而死迂而守夫忠者也苟容之人所嘗共笑矣
然而屈平不以衆人之混混而變其迂則夫以不迂笑乎迂以
至迂求乎不迂其笑其難也吾寧迂以斬人之笑不欲舍至迂
以求乎不迂叔孫通以禮樂諛漢迂道以媚時也惜乎不知迂
時以行道楊雄以溢辭媚莽迂已以悅人也惜乎大知迂人以
求悅已夫二子者是亦淺之爲丈夫哉迂之道吾冒非笑甘貧
賤樂而行之久矣而不知其艱也今又爲堂以自居以迂更自
名真有意乎迂邪堂之屋七楹奎堅朴野宅華棟者笑吾迂其
居矣案有書方卷早夜馳騁商財利者笑吾迂其習矣風來蕉
翻聲狀萬種酣絲竹者笑吾迂其聽矣竹榻不几莞簟野履事
雕美者笑吾迂其用矣飲水飯蔬舍嗔哺糲食鮓美者笑吾迂

其腹矣古圖名像環列壁間擁貂侍者矣吾迂其好矣與人
未嘗不及善悻悻爲惡者笑吾迂其言矣罔訟聽政不合乎經
尚法者笑吾迂其守矣噫人之笑迂叟而不知迂叟之人笑也
一日之迂終身之榮一時之迂萬世之光叟之遇邪行迂以濟
平用叟終窮耶守迂以任乎道登斯堂者有知叟之心乎有不
以叟爲笑者乎有樂与叟同夫迂者乎叟不得而知也嘉祐六
年八月十五日南隆蒲宗孟記

墨君堂記

東坡先生

凡人相與號呼者貴之則曰公賢之則曰君自其下則爾汝之
雖公卿之貴天下畏而心不服則進而君公退而爾汝者多
矣獨王子猷謂竹君天下從而君之無異辭今與可又能以墨
象君之形容作堂以居君而屬余爲文以頌君德則與可之於
君信厚矣與可之爲人也端靜而文明哲而忠士之修絮傳聞
朝夕磨治洗濯以求交於與可者非一人也而獨厚君如此君

又疎簡抗勁無聲色臭味可以娛悅人之耳目鼻口則與可之
厚君也其必有以賢君矣世之能寒燠人者其氣焰亦未至若
雪霜風雨之切於肌膚也而士鮮不以為欣戚喪其所守自植
物而言之四時之變亦大矣而君獨不顧雖微與可天下其孰
不賢之然與可獨能得君之深而知君之所以賢雍容談笑揮
灑奮迅而盡君之德稚壯枯老之容折折偃仰之勢風雪凌厲
以觀其操崖石舉確以致其節得志遂茂而不驕不得志瘁瘠
而不辱群居不倚獨立不懼與可之於君可謂得其情而盡其
性矣余雖不足以知君願從與可求君之昆弟子孫族屬朋友
之象而藏於吾室以為君之別館云

墨寶堂記

同前

世人之所共嗜者美飲食華衣服好聲色而已有人焉自以為
高而笑之彈琴奕棋蓄古法書圖畫客至出而夸觀之自以為
至矣則又有笑之者曰古之人所以自表見於後世者以有言

語文章也是而足好而慕傑之士又相與笑之以爲士當以功
名聞於世若乃施之空言而不見於行事此不得已者之所爲
也而其所謂功名者自智効一官等而上之至於伊呂稷契之
所營劉項湯武之所爭極矣而或者猶未免乎笑三區區者
曾何足言而許由辭之以爲難孔丘知之以爲博由此言之世
之相笑豈有旣乎士方志於其所欲得雖小物有弃軀忘親而
馳之者故有好書而不得其法則拊心歐血幾死而僅存至於
剖冢斷棺而來之是豈有聲色臭味足以移人哉方其樂之也
雖其口不能自言而况佗人乎人特以己之不好笑人之好則
過矣毗陵人張君希元家世好書所蓄古今人遺跡至多盡刻
諸石築室而藏之屬余爲記余蜀人也蜀之謠曰學書者紙費
學醫者人費此言雖小可以喻大世有好功名者以其未試之
學而驟出之於政其費人豈特醫者之比乎今張君以兼人之
能而並不稱其才優遊終歲無所役其心智則以書自娛然以

余觀之君豈久閑者蓄極而通必將大發之於政君知政之費人也甚於醫則願以余之所言者為鑒

醉白堂記

東坡先生

故魏國忠獻韓公作堂於私第之池上名之曰醉白取樂天也上之詩以為醉白堂之歌意若有羨於樂天而不及者天下之士聞而疑之以為公既已無愧於伊周矣而猶有羨於樂天何哉軾聞而笑曰公豈獨有羨於樂天而已乎方且願為尋常無聞之人而不可得者天之生是人也將使任天下之重則寒者求衣飢者求食凡不獲者求得苟有以與之將不勝其求是以終身處乎憂患之域而行乎利害之塗豈其所欲哉夫忠獻公既已相三帝安天下矣浩然將歸老於家而天下共挽而留之莫釋也當是時其有羨於樂天無足怪者然以樂天之平生而求之於公較其所得之厚薄淺深孰有孰無則後世之論有不可欺者矣文致太正武定亂略謀安宗廟而不自以為功急賢

才輕爵祿而士不知其恩殺伐果敢而大軍安之四夷八蠻相
聞其風采而天下以其身爲主者危此公之所有而樂天之所喪
也乞身於強健之時退居十有五年日與其朋友賦詩飲酒盡
山水園池之樂府有餘帛廩有餘粟而家有聲伎之奉此樂天
之所有而公之所無也忠言嘉謀効於當時而文采表於後世
死生窮達不易其操而道德高於古人此公與樂天之所同也
公旣不以其所有自多亦不以其所無自少將推其同者而自
託焉方其寓形於一醉也祇得憂忘禍福混貴賤等賢愚同乎
萬物而尚造物者遊非獨自比於樂天而已古之君子其與已
也厚其取名也廉是以賈淳於名而世誦其美不猷以孔子之
聖而自比於老彭自同於丘明自以爲不如顏淵後之君子齊
則不至而皆有侈心焉臧武仲自以爲聖自圭自以爲禹司馬
長卿自以爲相如楊雄自以爲孟軻崔浩自以爲子房然世終
莫之許也由此觀之忠獻公之賢於人也遠矣昔公嘗告其子

忠彥將聚文於軾以爲記而未果既葬忠彥以告軾以爲義不
得辭也乃泣而書之

蓋公堂記

東坡先生

始吾居鄉有病寒而歿者問諸醫醫以爲蠱不治且殺入取其
百金而治之歛以蠱藥攻伐其腎腸燒灼其肝膚禁切其飲食
之美者其月而百疾作內熱惡寒而歿不已蠱然其蠱者也又
求於醫醫以爲熱授之以寒藥旦朝吐之莫夜下之於是始不
能食懼而反之則鍾乳烏喙雜然並進而漂疽癰疥眩瞶之狀
無所不至三易醫而疾愈甚重老父教之曰是醫也非藥之過
也予何疾之有人之生也以氣爲主食食爲輔今子終日藥不釋
口臭味乱于外而百毒蠱于內勞其主隔其輔是以病也子退
而休之謝醫却藥而進所嗜氣完而食美矣則夫藥之良者可
一飲而效從之其月而病良已昔之爲國者亦然吾觀夫秦自
孝公已來至于始皇立法更制以鑄磨鍛鍊其民可謂極矣

何曾參親見其錫喪之禍而收其民於百戰之餘知其困苦惻
悻無聊而不可與有爲也是以一切与之休息而天下安於參
爲齊相召長老諸先生問所以安集百姓而齊故諸儒以百數
言人人殊參未知所定聞膠西有蓋公善治黃老言使人請之
蓋公爲言治道貴清淨而民自定推此類具言之參於是避正
堂以舍蓋公用其言而齊大治其後以其所以治齊者治天下
天下至今稱賢焉吾爲膠西守知公之爲邦人也求其墳墓于
孫而不可得慨然懷之師其言想見其爲人庶幾復見如公者
治新寢於黃堂之北易其敗陋達其蔽塞重門洞開盡城之南
北相望如引繩名之曰蓋公堂時從賓客僚吏遊息其間而不
敢居以待如公者焉夫曹參爲漢宗臣而蓋公爲之師可謂盛
矣而史不記其所終豈非古之至人得道而不死者歟膠西東
並海南放于九仙北屬之牢山其中多隱君子可聞而不可見
可見而不可致安知蓋公不往來其間乎吾何足以見之

寶鑑堂記

東坡先生

君子可以寓意於物而不可以留意於物寓意於物雖微物足
以爲樂雖尤物不足以爲病留意於物雖微物足以爲病雖尤
物不足以爲樂老子曰五色令人目盲五音令人耳聾五味令
人口爽馳騁田獵令人心發狂然聖人未嘗廢此四者亦聊以
寓意焉耳劉備之雄才也而好結髦祿康之達也而好鍛阮孚
之放也而好蠟取此豈有聲色臭味也哉而樂之終身不厭凡
物之可喜足以悅人而不足以移人者莫若書與畫然至其留
意而不釋則其禍有不可勝言者鍾繇至以此嘔血發家宋孝
武王僧虔至以此相忌桓玄之走荊王涯之複壁皆以兒戲害
其國凶其身此留意之禍也始吾少時嘗好此二者家之所有
惟恐其失之人之所有惟恐其入吾予也既而自笑曰吾適富
貴而厚於書輕死生而重畫畫具六態倒錯繆失其本心也哉自
是不復好見可喜者雖時復見之然爲人歎云亦不復惜也

之煙雲之過眼百鳥之感耳豈不欣然接之去而不復念也於
是乎二物者常爲吾樂而不能爲吾病駙馬都尉王君晉卿雖
在戚里而其被服禮義學問詩書常與寒士角平居穰去膏粱
尋淡馨色而從事於書畫作寶繪堂於私第之東以蓄其所
有而求文以爲記恐其不幸而類吾少時之所好故以是生之庶
幾全其樂而遠其病也熙寧十年七月二十二日記

新刊 國朝二百家名賢文粹卷第一百二十六

記

堂宇記二

思堂記

東坡先生

建安章質夫築室於公堂之西名之曰思曰吾將朝夕於是凡
吾之所爲必思而後行子爲我詆之嗟夫余天下之無思慮者
也遇事則發不暇思也未發而思之則未至已發而思之則無
及以此終身不知所思言發於心而衝余口吐之則逆人妬之
則逆余以爲寧逆人也故卒吐之君子之於善也如好好色其
於不善也如惡惡臭豈復臨事而後思計議其美惡而避就之
哉是故臨義而思利則義必不果臨戰而思生則戰必不力若
夫窮達得喪死生禍福則吾有命矣少時遇隱者曰孺子近道
少思寡欲曰思之欲若是均乎曰甚於欲庭有二盎以畜水隱
者指之曰是有蟻漏是日取一升而弃之孰先竭曰必蟻漏者

思慮之賊人也微而無間隱者之言有會於余心余行之且夫
不思之樂不可名也虛而明一而通安而不懈不憂而靜不飲
酒而醉不閉目而睡將以是託思堂不亦繆乎雖然言各有當
也萬物並育而不相害道並行而不相悖以質夫之賢其所謂
思者豈世俗之營營於思慮者乎易曰無思也無為也我願享
焉詩曰思無邪質夫以之元豐二年正月二十四日記

衆妙堂記

東坡先生

眉山道士張易簡教小童常曰予幼時亦與焉居天慶觀北
極院予蓋從之三年調居海南一日夢至其處見張道士如平
昔并治庭宇若有所待者曰老先生且至其徒有誦老子者曰
玄之又玄衆妙之門予曰妙一而已容有衆乎道士笑曰一已
陋矣何妙之有若審妙也雖衆可也因指灑水雉草者曰是各
一妙也予覆視之則二人者手若風雨而步中規矩蓋煥然霧
除霍然雲消予驚歎曰妙蓋至此乎庖丁之理解郢人之鼻斲

信矣二人者釋用而上曰子未覩真妙庖郢非其人也其技與道相半習與空相會非無挾而徑造者也子亦見夫蜩與雞乎夫蜩登木而號不知止也夫雞俯首而啄不知卽也其固之以此然至其蛻與伏也則無視無聽無飢無渴默化於荒忽之中候司於毫髮之間雖聖知不及也其豈技與習之助乎二人者出道士曰子少安須老先生至而問焉二人者顧曰老先生未必知也子往見蜩與雞而問之可以養生可以長年廣州道士崇道大師何德順作堂榜曰衆妙以書來海南求文以記之子不暇作也獨書夢中語以示之戊寅三月十五日

王氏清虛堂記

穎濱先生

王君定國爲堂於其居室之西前有山石環竒琬琰之觀後有竹林陰森冰雪之植中置圖史百物而名之曰清虛日與其友賢士大夫相從於其間嘯歌吟詠舉酒相屬油然不知日之旣夕凡遊於其堂者蕭然如入於山林高僧逸人之居而忘其京

都塵土之鄉也或曰此其所以爲清虛者耶客曰不然凡物自其濁者視之則清者爲清自其實者視之則虛者爲虛故清者以濁爲汙而虛者以實爲礙然而皆非物之正也蓋物無不清亦無不虛者雖泥沙之渾而至清存焉雖山石之堅而至虛存焉夫惟清濁一觀而虛實同体然後與物無匹而至清且虛者出矣今夫王君生於世族弃其綺紵膏粱之習而決蕩於圖書翰墨之固沉酣縱恣恣然與衆殊好至於鍾王虞褚顏張之逸迹顧陸吳盧王韓之遺墨雜然前陳曠之傾囊而不厭慨乎思見其人而不得則既与世俗遠矣然及其年日益壯孝日益篤經涉世故出入患禍顧瞻昔之好知其未離乎累也乃始發其箱篋出其玩好投以与人而不惜將曠焉黜去外累而獨求諸內意其有真清虛者在焉而未見之也王君得沉京師多世外之交而又娶於梁張公氏張公超達遠鶩躋于至道而順乎流俗君嘗試以吾言問之其必有得於是矣既寧十年正月八日記

吳氏浩然堂記

穎濱先生

新喻吳君志學而工詩家有山林之樂隱居不仕名其堂曰浩然曰孟子吾師也其稱曰我善養吾浩然之氣吾竊喜焉而不知其說請爲我言其故余應之曰子居於江亦嘗觀於江乎秋雨時至溝澮盈滿衆水既發合而爲一汪濊淫溢充塞坑谷然後滂洋東流蔑洲渚乘丘陵肆行而前遇木而木折觸石而石隕浩然物莫能支子嘗試考之彼何以若此浩然也哉今夫水無求於深無意於行得高而渾得下而流忘已而因物不爲易勇不爲嶮怯故其發也浩然放乎四海古之君子平居以養其心足乎內無待乎外其中涵濂與天地相終始止則物莫之測行則物莫之禦富貴不能淫貧賤不能憂行乎夷狄患難而不屈臨乎生死得失而不懼蓋亦未有不浩然者也故曰其爲氣也至大至剛以自養而無害則塞乎天地今余將登子之堂舉酒相屬擊摘木而歌徜徉乎万物之外子信以爲能浩然矣乎

元豐四年七月九日眉山蘇轍記

南康直節堂記

穎濱先生

南康太守廳事之東有堂曰直節朝請大夫徐君望聖之所作也庭有八杉長短鉅細若一直如引繩高三尋而後枝葉附之岌然如揭太常之旗如建承露之莖凜然如公卿大夫高冠長劍立於王廷有不可犯之色堂始為軍大曹吏所居杉之陰府史之所躡伏而簿書之所填委莫知貴也君見而憐之作堂而以直節命焉夫物之生未有不直者也不幸而風雨撓之磊石輒之然後委曲隨物不能自保雖竹箭之良松栢之堅皆不免於此惟杉能遂其性不扶而直其生能傲冰雪而死能利棟宇者尚竹栢同而以直過之求之於人蓋所謂不待文王而興者耶徐君溫良汎愛所居以循吏稱不為皦察之政而行不失於直觀其所說而其為人可得也詩曰惟其有之是以似之堂成君以客飲於堂上客醉而歌曰吾欲為曲為曲必屈曲可為乎

吾欲爲直爲直必折直可爲乎有如此杉特立不倚散柯布素
安而不危乎清風吹衣飛雪滿庭顏色不變若來無嫌乎封植
灌既剪伐不至杉不自知而人是依乎廬山之民外堂見杉懷
思其人其無已乎歌闕而罷元豐八年正月十四日眉山蘇轍記

成都新建備武堂記

——淨德先生

安危治亂之變豈不難言哉人之情徇常習故捨先幾取後患
蓋亦多矣今朝廷所謂外憂者無如西北故秦晉趙魏皆宿勁
兵爲之用治軍抗武於政最先而天下之勢亦以爲最重重輕
者天下之異勢安危治亂所從出易而無備則變逆之資也漢
之裴冀州之兵起唐之李桂林之戍叛禍結不解乃底滅亡前
轍往鑒足以懲謗議者知三路之爲重而不知蜀之不可爲輕
豈善計乎夫蜀之四隅縣亘數千里土腴物衍其資以蓄財力
貢賦率四海三之一縣官指謂外府北倚劍閣險絕天下東連
種獠蟠聚深固西南皆蠻詔自古犍彊唐天寶後官爲吐蕃

力以二十萬衆三道入寇又嘗止成都西郭大掠華人數万而南方其王政衰圯則莖蒙憑險自安或七八十載不以賦稅歸中国吾朝混乎字内恩柔威禦咸有深意淳化之際吏暴于上澤壅不流絰制燼矣民心懷危盜乘而作起甲午距庚子七年三乱狂夫一呼羣應如響今日取某州明日陷某縣嚮風輒靡何啻卷席之易戴白父老往往猶言其狀聞者爲之寒心然則戎防軍政敢一日廢邪龍圖濮陽吳公之開府也馭兵如民條教詳白凡居處飲食之具與其殺任之勞逸先治以宜用壹厥心乃度府門之右作備武堂所以講師律而訓戎伍也日練月習率有定令數視屢閱饗勞繼之金鳴鼓奏士倍其勇方衆聲脫震動耳目寔鎮守之重務氓俗之深利也昔晉武旣平吳欲去州郡兵以所治安雖山濤盧欽力陳大本以爲非是亦莫能用及永寧之後寇難交起則郡國無備不能制唐穆宗初兩河旣定蕭俛段文昌謂武不可曠乃議銷兵及燕趙之乱始募市

人以戰復喪河朔斯皆固不知變撥去根本苟近効忘遠圖其
能成天下之務哉蜀无事七十有三年議者恬然不怪民尚嬉
樂惡聞干戈公一旦遠思長慮而及於此不獨為蜀之計乃為
朝廷計也始民惡兵異公之為儒夫曲士從而騰說逮其父也
則曰吾將賴之以安而說者亦愧悔不敢議易之莖君子以除
戎器戒不虞兵法无恃敵之不至恃吾有以待其公之意故且
魯有治戎之備足為世法孔子序錄附於王言春秋書治兵大
閱雖以義制文中存與訓蓋亦國之大事謹興作也堂之成敢
不弟叙本末及其歲月大猷第五年三月一日

洪興堂記

谿堂先生

富貴而驕貧賤而怨久之情也富貴而不驕貧賤而不怨豈人
之情也哉學使之然也蓋知簞食瓢飲無以異於擊鍾鼎食華
冠縱履無以異於衮衣綉裳蓬為樞無以異於周墻峻宇則
彼之富貴此之貧賤其有異乎無有異也余是以知貧賤而怨

者富貴必驕富貴不驕者不自貧賤而怨者也臨川晏宗武幼
從判國王文公李文公名之曰防既長又以爲宗武字之言若洪
與州美衛武公能以礼自防者乃可宗也文公之期宗武可謂
遠也已矣宗武雖生於大丞相元獻公之家而甘其皇考中散
之祿然於茂溫恭如山林布衣之士庶幾能踐文公之言矣始
余讀淇奥之詩見序詩者言武公能聽其規諫以礼自防而詩
人獨不言其所以聽其規諫何哉及讀國語見左史倚相稱武
公在輿有旅賁之規倚几有訓誦之諫居寢有藝御之箴燕居
有工師之誦然後知武公之所以能以礼自防者以能聽其規
諫所以能聽其規諫者以能善其故也今宗武作淇奥堂於私
第又刻文公之言於其壁蓋將朝夕游居寢卧於其下想見武
公之爲人豈無忘文公之言其志蓋可進矣烏乎人患不孝耳
苟有志於孝焉古人豈遠哉宗武誠能無忘文公之言則它
日享元獻之富貴其不驕也必矣大觀二年五月十二日記

愧堂記

清虛居士

有客爰登堂而問曰孟子所謂仰不愧于天俯不忤于父者豈子之所愧乎應之曰不然吾嘗不愧于屋廟而愧于天乎如是則子之所愧方天下文明之時獨抱道而不伸歟貴富不足以充其身救道之屈伸固有時身之貴富固有命吾何愧于是如是則何所愧而名其堂歟吾之所愧蓋異夫世人之所愧者也吾從公捐之後方乳哺而院啼遂獲爵于朝而名掛士大夫之籍及其壯也嘗不能克紹前業頭親而揚名焉吾之所以愧也吾凡再得罪而後聚當其貶時親戚故人爭言瘡痍之惡既見勉以逃死而又謂離卒其生也夷僚遐絕之鄉禽食而獸屠不可一日處交既止焉幸其無疾而又食飲起居所以爲生之道者無所不自得於是遐思焉二過之罪大矣而朝廷之責猶得以祿食而安處吾之所以愧也噫甘息無以報矣而又德之于既罪之後是以輟食忘寢而不勝其愧焉乃榜堂之額以重吾之

陳爾容曰可矣

養正堂記

豫章先生

冀州古信都杜漢爲安平侯國地當河漳之間一都會民習儻
俊任俠自武四方游手之民囊橐其間不事本業其語俗猶班
班見於載籍無南大川以爲要關其地四戰之國也自中原有
事於茲蓋此邦未嘗不焉焉故其民空匱憔悴甚於它州真人
撫有四海天下屬安丁壯耕桑老弱不任事百有餘年而民未
知休食生息之利歲一艱食可望以恩義者不能相收蓋其地
產瘠幽人不耕者數尔於今爲州在國北門堅壁重兵樓櫓險
壯外夷賓客朝賀有會期所由出入故守者常用大夫之選元
豐元年十一月詔用扶風魯侯忠信豈弟不鄙其州折循艱寡
動用礼法民舊于田土興于孝迺皇暇於燕息之暇太守故居
有便堂確興於都水監宋昌言仲謀而魯侯爲築屋四旁而堂
周旋風雨寒暑有所遷就而堂事告備魯侯隱几以詠詩書酌

酒以御賓客巾履徜徉木陰鳥語之中思所以爲邦之本而有
得焉謂其堂曰養正是在易之頤正吉觀頤自求口實者也齊
王之子亦人之子也居富貴之養而氣弊與人殊而况自事其
心居天下之廣居則其所養宜何如乎於淫澤之門者非宋君
也而聲似之以其居相似也其居与主人相似而病不及古人
吾則不信也夫惟不言不笑不取是非物之情飄風暴雨天地
不能持久也未同而言習有譖笑苟可以得志所治每下而不
耻者吾不知也至於時然後言樂然後笑義然後取彼其中必
有以信之詩云鼓鍾于宮聲聞于外夫事其事而小大得情語
默當物齊心服形於宮庭屋漏之間而民氣和於耕桑隴畝之
上彼其於性命之情必有不斲於規矩準繩而自正者焉嘉魯
侯之不鄙其州知律民者在己得己者在心其居民上不以一
日忘所以養源者故極言其致遺魯侯剋石壁間使信都之士
斷魯侯之好孝以成其材其民知魯侯之用心而勸其事又使

來者得覽觀焉魯族多有開字元翰肅簡公之子能世其家者也

太師堂記

范太史

神宗熙寧六年潞國文公以司徒侍中河東之節自相府出鎮三城明年留守北都後七年拜太尉保釐洛宅又三年以太師就第今天子嗣位元祐元年起公平章軍國重事元老在朝海內晏寧五年復請老章數十上二聖不得已許之以公位極宗臣無以復加聽解重事以維師舊節歸老于洛六年十二月詔以公之子集賢殿修撰周翰守三城明年二月周翰蒞公安輿至河陽父老覩公儀形擁道謹呼如見父母蓋自公去鎮十有八年而公之子繼守是邦流風善政相望不遠公既老而後臨之故邦人皆喜以爲不獨公家之光寵亦朝廷之盛美也府舍瀕河地鹵下濕庳陋不葺上雨旁風不足以奉几杖羞旨甘周翰因其舊廬治而新之榜曰太師之堂朝夕溫清問安侍膳其公作二詩以識其事逍遙游燕累月而後歸洛周翰既以公

訂刻之石入以書來自三爲史官爲我記之其觀古堯舜之君
壽皆過百年其臣亦无不耄老子孫有國數百歲而不絕周公
老于葦簞公封於魯凡將邢茅昨祭皆爲諸侯召公相四世其
子封于燕成王之封周公也周公拜前魯公拜後所以康周公
也傳曰周人之思召公愛其甘棠況其子乎夫其相如此則其
君之德可知也惟潞國公光輔四朝功格上下垂五十年事載
冊書由今觀之邈若古昔天錫之報壽考康寧八十有七而聰
明不衰由漢以來輔相之臣福祿之盛未有如公此者雖三代
而上唐虞之際麻屨賢哲無幾人焉是以外至四夷敬仰公名
或瞻望而歎息或聞風而獻焉此豈可以聲言笑兒使之然哉
蓋其陰德之所被者廣仁轂之所及者遠愛公之深者不獨孟
人而已然則斯堂之作其在周輔如魯公之養周公其在孟人
如召國之殖甘棠於以勸天下爲君子者之忠孝爲父老之
慈訓其永无窮惟後之人勿替引之元祐七年四月丙子試尚

書禮部侍郎兼侍講國史院修撰范某記

新刊 國朝一百家名賢文粹卷第一百三十六

新刊國朝二百家名賢文粹卷第二百三

託

堂宇記三

養志堂記

無菴子次公

親心所嚮之謂志善承順者之謂養子之事親養志為大養體
為次故元之於參不若參之於哲此孟子所以優無其孝而孔
子授以經也於戲曾子世不得而見之得見慕曾子者其亦庶
乎鉅鹿魏承綸即龍圖公之嗣子也為知者所辟將擢其任君
辟所舉而以潯陽權詒為請便親養也其時仲氏官于豫章兩
境相望不數百里六夫人所至安問交馳晨昏寢食怡怡如也
諸大夫以是稱之而名斯堂為養志云無為子聞之曰事親孝
者忠可移於君古者求忠臣於孝子之門良有以也然而有隱
無犯事親之道也有犯無隱事君之道也色難之難猶犯顏之
難不難其難其孰禦焉篤於誠而已矣熙寧三年八月十五日記

采衣堂記

無為子次公

婺源胡氏五世同時子養其父而逮養其祖之祖父韓其子而
及鞠其孫之孫州閭鄉黨推為令族嘗構堂於家園宅風物之
勝處群峯環翠屏如也寒泉湛碧鑑如也幽芳啼鳥愛之而不
可勝名老木脩竹應之而不可勝筭每晨昏燕間親族咸集老
者坐于上稚者戲于下長者侍其側少者服其勞山樽野饌具
不待豐而人以為甘矣況有且觴之奉乎鳴缶擊壤樂未待舉
而人以為和矣況有簫鼓之繁乎頽垣隘宇居不待壯而人以
為安矣況有大厦之庇乎弊裘緼袍服不待侈而人以為禁矣
況有采衣之綢乎乃祖乃父乃子乃孫雍雍怡怡以邀以嬉歲
月久而不厭齒髮晚而不衰摯紳大夫樂為歌詠以謗于膏
其堂曰采衣蓋取老萊子之養養以美之也既而聞于京師求先
為子以為之記無為子自前此百有餘年備僞宋克日尋子戈
父不得保其子者有之子不暇給其父者有之矧有五世一時

而安居者耶觀胡氏采衣之樂則海宇升平之乂可知矣是也
書也熙寧六年重九日記

秀楚堂記

孫學士傳師

元祐二年七月余自尚書左司出守河中明年七月移守南都
十月又移宣門年少村下蒙被朝廷記識兩歲之間三易大府
既元德善之政上副天子更化求治之意獨平易不撓庶幾近
民彭門地左事鮮土風淳陋出無過使游士州迎之動居無簿
書牒訴輟朴之煩俗喜勳劫輕命抵死過是無足治者間與賓
僚游于州治之園堂皇摧荒欲壞弗支惟交周旋不持風雨仰
墜旁傾失聲離席噫其亦微矣乃微其最甚者而新之鳩工於
間選材於餘廣陬適中侈儉合度燕申起居既便且安亦徐之
巨麗也夫於是延客合樂以樂其成名曰秀楚酒酣樂闋客謂
予曰堂名美矣奚取於斯豈謂九里山峯千仞其高岡阜紆餘
旁穿主屋雲龍氣升三日而雨清同大彭抱續連青孤高戲

隱嶺斷崖造海却立若蹲若鰐呼吸煙嵐風回環萬狀汲泗交流
匯爲長川轉曲凌津滄波淪漣那經其西泡經其東泄大野之
瀦以射百步之洪經呂梁之險怒濤翻雪涌如蒸雲疾若陳馬
山水之秀若此而非堂上之所見也柏檜枯樅黃楊蒼松擢幹
扶疎膠結輪囷凌寒不彫多夏青青脩竹叢篁綠葉翠華檀栢
檉榆荀骨槐櫨交柯連陰列比參差芍藥山丹百卉之英紅棠
素奈碧李朱櫻金鳳玉梅黃薔紫葵芙蓉照水蘭菊被徑朝霞
暉暉爛若文錦郁烈細縷芳香襲人垂實粉米台葩吐榮草木
之秀如此而非堂下之所植也嘉客萃廣樂奏醴齊清醕肴饌
珍鮮練柔曼閒脩嫗被文服纖轉喉清圓翳扶障袖回風垂手
窈窕容冶便嫵服豫幽思冶態巧丁言語倡樂之秀如此而非
堂中之所有也若乃毓其所宜搜其所無坐乎一堂之上而衆
美來叙俯仰四顧揖佳氣而搏清暉下舞上歌左甘右饒貫四
時而不厭則此邦之秀無以加矣餘曰若客之言同知共見常

情所溺曾何足去余聞之三楚多秀士彭城其西也以古樸金
耳若多有高帝以布衣得天下如蕭曹等輩十數公崛起於閭
閻刀筆屠販之餘馮附鳳雲之會猶功見乎一時施乎万世其
後則有若龔勝施讎劉愷姜肱朱浮張昭劉毅劉禹錫者其詞
學材能過人遠甚皆相望於千百年之中其餘斑斑粲粲見又不
可勝數嗚呼多士也夫余蒙恩守此閱月踰時愛其山川土地
之美風俗深厚并邑毓秀疑其氣所鍾聚不特水石花木之間
當有高明爽悟茂美之資深慮知之士与夫卓犖不羈之才
賢世耦俗甘窮約而無悔此余願見而不可得者若乃行推於
鄉智効於官自一藝以仕皆足以名此邦矣旣上論乎古之人
又思乎今之世庶幾可得而与之游乎余將虛左以俟元祐四
年四月十日知徐州孫覽記

醉經堂記

無盡居士

何縣澤民作堂於碧雞坊之右名以醉經馬子記之記曰太古

之時六經之道禁于天地混茫間天下之人不知所以養身之
真乃相與汗尊而極飲貽毛而碎血俎豆之事闕而不講君臣
上下賓師朋友之間無以相接有聖人者作乃調和仁義道德
之術造六經以醺酣天下之人伏羲神農之時沈濁以厚堯舜
文王涕而清之周公斟酌以勞萬民於是四海之內皆有士君
子之行焉至周末而變諸侯卿士無德可頌號呶醜悍子與
法仲尼乃爲之賞罰而繩糾之六經之道自是始備聖人以清
賢人以濁君子以厚小人以薄仲尼既沒諸子之徒剽攘糟粕
之餘而失其傳私售其說以腐壞天下之口腹楊墨苦而薄莊
老淡而漓使好之者懵然狂惑而不可責以正禮孟軻荀况楊
雄復去其滓遂復醖厚故韓愈嗜而美之曰孟子醇乎醇荀而
揚大醇而小疵也古之人嘗醉於斯矣其始也其色洒然以恭
其性陶然以和及其沉湎也靜聽而不聞其誹謔之音熟視而
不見外物之華杳然忘家則三歲不寢仲舒之圓咯然遺形則

累旬不櫛世南之駸忿而爭則樂詳擊地肆而在則接輿歌鳳
悲則賈生慟哭喜則賈臣行謳蓋六經之醉人也如此今澤民
既醉於經又能作堂以爲醉所嗚呼澤民少而量洪吾未知
子之不爲醉翁也

永康縣張氏萬卷堂記

前谿先生

可正治亂相襲則雖天亦不能與謀有大仁智拯救道絕乃至
藏遺書於壁中埋斷簡於地下以待否塞之傾發其幽光會有
壞孔宅破汲塚而科斗龍蛇於是四出初示象於人間可謂了
然万一遇也方其在壁中地下而奄奄不見日星焉識所謂萬
卷虛堂緼穢織機牙籤玉軸次第就列蒙尚文之寵有如此者
哉自漢唐以來士民之家享善宏侯王之國儲異聞雖石渠蘭
臺所不及不幸化爲汗漫灰燼者亦何可勝數夫豈人物消息
隱顯之變固自有時命歟蜀永康張氏子以德名鄉自其祖歷
世及孫有書至万卷凡捐於好事假以爲游資者皆張氏子買

書金也既且即其家爲樓居堂皇以藏焉甲乙雖黃壯麗嚴頭而左右挾以苑囿林泉之勝嗚呼賢哉其盛事也雖然有之而不讀則書在肆讀之而不喻則經在庫存而不加敬則爲尾壤敵而不能保則爲魚蠹張氏子又嘗以文中第而熙明又以經明與予同年登科其爲人端厚通博雖其天資亦書之助也今老矣猶勇於藏書未已及見其童兒又頗秀出如此則其書遠將以潤德發身垂之無窮而未可以苟有廢輿論也今天子聰聖實文承百年治定兵火撲滅而坑灰寒朝野之書倍於古昔凡以讀書喻義願仕於朝者多多亦得是子將見張氏子因之成功又知其所藏書方且棲息高樓之端卷懷虛堂之上不逢水火之害與夫怙大力者亦負而去之皆可賀也熙明名競辰今爲衛尉丞云元符三年三月八日記

自然堂記

豫章先生

佛者惠三呈局郡人自豫章來客於湖陰將二十年其居故屋

數間舊開東軒於鄰室之籬角黠黑漸洳不堪人居蟬涎蛛網
經緯几席有以改作告之者則應之曰未遑也間而徘徊其下
徜徉乎旁又乃得之因其舊蓋不易一瓦塞故嚮以為壁塞故
壁以為明不加一木而堂成知言師而來者莫不粲然油然而
其歸子獨嘉其意近於自然為之名曰自然堂且為道其所以
名曰動作寢休頽然於自得之場其行也不以為人其止也不
以畏人時損時益處順而不逆此吾所謂自然也披體弱而健
強名辱而美榮汨汨然日有是心然且取混沌之術而假脩之
者自然尚能存乎雖然凡此者近之矣而未也若夫道之妙者
則吾不能為若言之而使若得之也亦不能為吾言之矣言師
善鼓琴丹青而不有其能讀經論多自得其意不事外飾
如山野人可與言者也

四賢堂碑陰記

浮休居士

開梁莅事之二日例見吾孔子於學中既拜堂下又引而之東

西序有備坐者四焉其禮如見孔子舜禹陰陞而問之典誦者
曰此所謂四賢堂也敢問賢者爲誰曰司馬遷王通韓愈柳宗
元也前守茲土者旣新吾學又取蒲人之有聞於後世者設堂
侑之意使天下知蒲州人物之盛且以勉學者予歎曰河東人
物自古冠天下莫尊於舜莫高於伯夷叔齊介之推莫智於百
里奚莫辯於司馬遷莫賢於王通莫富於倚頓莫盛於唐莫衰
於今日至於二裴之功葉三薛之學行張說之通才張巡呂子
臧張介然之死節陽城之取諫王維司空圖之高雅柳宗元韓
愈之文章至於宗楚裴延齡之險詖楊國忠妃子之寵遇門閥
之家富貴之胄以至於一介一郎之士立身於當時名聞於後
世者不可勝數夫何其盛哉觀其條華之所鎮臨河洛之所經
會宜有靈氣孕奇育粹之不竭如東海之淵泰山之麓其所以
爲珠璣金貝梗楠豫章之貨者於茲出焉又何獨至於今日空
虛索寞寂無人哉且學校之設所以教也教之大倫忠孝是也

當孔子不得中道而與之雖繫已之童子有常之人在狷之士亦所不棄者欲以教也非求一賦粟將鳴鼓而攻之欲以爲教也教者取其材而爲教者必責其成材則是四賢者皆成材也苟取其文章而略其德業則余何其爲教哉吾欲進裴度張巡陽城而退子厚以爲大數合於聖人鳴鼓之義而患不能故書其碑之陰以告在學之徒若後之守土者

歲寒堂記

西塘先生

歲寒堂子野先生所居也堂之前古柏數株兩序皆以本朝諸公與子野交者奇文新詩與夫古文有其言於世切有補者勒堅珉實諸壁羣書閣其上先生休其中故以歲寒爲名堂南爲小沼沼之南爲二石山山之南爲遠游庵庵之南爲知非軒堂東爲日益齋此皆出於歲寒若夫遠遊之意則子瞻之銘備矣而知非者非始悟夫非是者之謂也由吾通悟而知夫非非者之不免乎非則無非之不知此之謂知非知非非之爲非則無

非矣知非者無已無非者無物無已而物此世之大宗師而從先生者非特子弟而已此堂東所以有齋先生坐不講立不議而從先生者皆孝悌忠信飢虛以聚飽滿而去其斯之謂日益也歟蓋損有餘以補不足而已愈有也非日益而何今夫以道汎觀於天下而反求諸身其孰不有而成大美者必待夫正固悠久不息天地之道正觀者也日月之道正明者也天地不息於覆載然後以成其大日月不息於照臨然後以成其明故夫寒暑之行陰陽之存是皆不頓進而後變化以成也萍蓬之衍一本百支萬萬之蔓朝晚盈天以松檜比之則春秋十數不及也然彼皆不免於凋附依託以生失其憑依枯朽隨至而烈風怒號雪霜沍仍無遺類矣物常至於此而後知有正固悠久之可尚若乃和風蕩滴繁英煒萼上下相照游絲繞空金縷纏枝而輒枝纖幹高崖深谷誰復顧者至於成大厦建明堂則不又於彼而之此矣夫非以正固不撓而遲久獨後其能具此大美乎

故歲寒然後知松柏而世之言堅父者皆指是以爲訓夫生正
固悠久之人也故其守己者一而不雜其與人者久而不變水
火可蹈也爵祿可辭也而誠不可渝也故心不憂樂而物無遷
迂以事親孝以事長悌以夫婦別以朋友信天之視天下猶一
家遠之視萬世猶一日吉凶禍福莫得而易之也具是大美故
能仙佩聖言之英而旁與所父者親率皆誦其詩讀其書如見
其人故而翱翔於數柏之下視沼之小猶之江湖淮濟而二山
之卑太行恒岱不足以言高也默而越乎前庵逍遙乎穀糠塵
垢之外由是以周覽八極而遠視三皇五帝夏商周之所治蓋
一掌之多而堯桀是非素楚爭戰泯泯然矣而後無非之不知
而先生無非以無非之心傳不言之教惜乎吾未得從先生於
巖壑以志吾言若寓諸託聞者大笑而吾言當矣

養浩堂記

龜山先生

建城之東有寺曰開元負山之阿下臨清流之淵林壑茂密望

之隱然若鰲戴而出也吾友翁行簡昔嘗燕休其中而以養浩
名其所居之堂屬予為記予嘗誦養氣之道以謂靜心氣神人
之所同也四者合於無則天地向我其一乎夫天地其體也氣
體之充也養而無害則塞乎天地之間理固然矣古之人負耒
鋤刀而不為汙任天下之重而不為恭臨之以斧鉞而不咎端
豈其心獨有異於人乎哉所養素完故耳行簡自少知名於時
而流落場屋晚而後中第人固意其類墮而不自振也而其行
益修氣益完文日益工仕官臨政無細大迎刃立解此其所養
豈易量哉吾知其才少為世用也今見其非矣異時推其所養
而羽儀於朝必有可觀者焉故予承命不辭而喜為之道也

賢樂堂記

豫章先生

待外物而適者未得之憂人之先之也既得之憂人之專之也
故雖有榮觀得之亦憂失之亦憂無時而樂也自適其適者無
累於物物之去來未嘗不與也故古之人觀乎儻來者等於我

此海雲之外物亦正其名曰賢者而後樂此不賢者雖有此不
心之地章黃庭堅名之曰賢與其義蓋以謂夫當日之上座
一陋室也雖然隅角點闇鳥鼠之宅而為今日之軒楹高明戶
牖通達便勝於房兩宜寒暑并隆高槐風飄修竹簷涼並清矣
語詩書是詩為賢者有也春卿遂以名堂而屬為註黃庭堅曰
魏都國北門通守上佐也事無所不開使雖留守大人鉅公游
刃於無事內外晏然而十三縣之政日交於前傳善期會幾於
不勝聽也加以外夷賓客之道濁河隄防之守呼吸變故不擇
時節舉列郡會府號為難治者皆出大名下故異時任此責者
以夜繼晝為吏牘所理沒不得出然雖親戚慶弔人情所不能
休者有不暇顧者自至其解官去而後已今春卿辦了公家事小
大斬斬又有力以燕與親戚僚友講問缺遺則斯堂之主人不
既賢乎夫人之賢豈有類哉德每進而終無已者也我名斯堂

既嘉王人賢又以爲來者之勸也春卿名青故太尉侍中魏公
子也精敏通事清見首知羣自其少時老茲吏不敢弄以事嘗
以使節京西吏畏其明其失職以議法不合不以不稱職也其
於政事天材絕人遠甚不以其能驕人好賢不倦不爲得失顧
計者也

大雅堂記

豫章先生

丹棱楊素翁英偉人也其在州閭鄉黨有俠氣不少假借入然
以禮義不以財力稱長雄也聞余欲盡書杜子美兩川巖嶽諸
詩刻石藏蜀中好文喜事之家素翁素然向余請從事又欲作
高屋廣楹庥此石因請名焉余名之曰大雅堂而告之曰由杜
子美以來四百餘年斯又委地文章之士隨世所能傑出時輩
未有外子美之堂者况室家之好耶余嘗欲隨欣然會意願綏
以數語終以汨沒世俗初不暇給雖然子美詩妙處乃在無意
而意已至泝廣之以國風雅頌深之以離騷九歌安能盡其

意味闢然入其門耶故使後生輩自求之則得之深矣使後生
登大雅堂者能以余說而求之則思過半矣坡公言聖賢者有在
大旨取其發興於所遇林泉人物草木魚蟲之爲物物皆有所
託如世間所遇隨語者則子美之詩委地矣矣公可并刻此於
大雅堂中後生可畏安知云漢然永釋於斯文者乎元符三年
九月石翁書

新刊 國朝 百家名賢文粹卷第一百二十七